

# Gilvima buressivdnideapme

Buressivdnideame doaimmaha báhppa, searvegotti eará bargi dahje searvegotti lahttu.

## 1. Sálbma

---

Sáhtta geavahit ovdamearkka dihte sálmma 476 dahje 477. Sálmma sajis sáhtta leat eará musihkka.

## 2. Álggahus

---

### Álgosivdnideapme

Buressivdnádusa lea vejolaš lohkat dahje lávlut (nuohtat, gč. s. 481).

**B/O** Áhči ja + Bártni ja Bassi Vuoiŋŋa nammii.

**S** Ámen.

**B/O** Min veahkki lea Hearrá,

**S** almmi ja eatnama sivdnideaddji.

**DAHJE**

**B/O** Hearrá lehkos dinguin.

**S** Nu son lehkos maddái du vuoiŋŋain.

### Álggahansánit

Álggahansániid lea maddái vejolaš ráhkadit ieš.

**B/O** Ráhkis ustibat. Ipmila sátni lohvida: ”Nu guhká go eanan čuožžu, gilvin ja láddjen ii galgga nohkat, ii buolaš iige báhkka, ii geassi iige dálvi, ii beaivi iige idja” (1 Mos 8: 22). Dán lohpadusa olis mii leat čoahkis luohhtevaš mielain buressivdnideamen dán gilvinbarggu.

### 3. Biibbalsálbma

---

Sáhhtá atnit maddái girkojagi čuovvu dahje eará biibbalsálmmaid.

Sálmmaid sajis lea vejolaš lávlut sálmma.

Biibbalsálmma sáhhtá lávlut dahje lohkat. Dasa laktojuvvo Uhca gudni. Dan sajis sáhhtá atnit čuovvovaš sálmmaid vearssaid: 5:4, 66:3, 136:7, 218:7, 336:8, 340:8, 341:10, 348:6, 379:6. Uhca gudni guđđojuvvo eret fástoáigge 5. fástoáiggi sotnabeaivvi rájes.

Jorggit, Hearrá! Man guhká?

Árpmít bálvaleddjiidat!

Gallet min árbmugasvuodainat go idit boahtá,

vai mii beassat ávvudit ja illudit buot beivviideamet.

Illudahte min seammá guhká go leat váivvidan min,

nu máŋga jagi go mii leat gillán.

Divtte bálvaleddjiidat oaidnit du dagu,

čájjet hearvásvuodat min mánáide.

Hearrá hearvásvuohta lehkos min oassin!

Nannešit min giedaid dagu,

vare don nannešit min giedaid dagu!

Sál 90: 13–17

#### DAHJE

Go Hearrá jorgalii Siona oasi,

de mii leimmet dego negadeaddjit.

Dalle min njálbmi lei dievva boagusteamis,

min njuovčča ávvučuorvasis.

Dalle dadje álbmogiid gaskkas:

Stuorra daguid lea Hearrá dahkan dáidda.

Duodaid, stuorra daguid lea Hearrá dahkan midjiide,

ja mii šattaimet illui.

Jorgal min oasi, Hearrá,

dego Negeva jogažiid.

Sii gudet gilvet čierumiin

láddjejit ávvučuorvasiiguin.

Čieru sii mannet gilvit gorniset,

ávvudemiin sii máhccet gordnegihput salas.

Sál 126

## Uhca gudni

Gudni Áhččái ja Bárdnái  
ja Bassi Vuignii,  
nugo lei álggus, dál lea ja álo  
agálašvuodas agálašvuhtii. Ámen.

## 4. Biibbalohkan

---

Lohkkojuvvo okta dahje moadde čuovvovaš čálabihtáin. Sáhttá atnit maiddái girkojagi čuovvu dahje eará čálabihtáid.

Lohkki almmuha čálasaji.

1 Mos 1: 11–12

Ipmil celkkii:

”Šaddadehkos eanan ruonas šattuid, šattuid mat dahket siepmaniid, ja muoraid maid šaddosiin leat siepmanat šlájaset mielde, eatnama alde.”  
Ja nu šattai. Eanan šaddadii ruonas šattuid, šattuid mat dahket siepmaniid, ja muoraid maid šaddosiin leat siepmanat šlájaset mielde.  
Ja Ipmil oinnii, ahte dat lei buorre.

5 Mos 8: 10–14

1 Kor 3: 6–9

Mun gilven, Apollos láktadii; muhto Ipmil šaddadii. Dan dihtii gilvi ii leat mihkkege iige láktadeaddjige, muhto dušše Ipmil gii šaddada. Gilvi ja láktadeaddji bargaba ovttas, muhto soai oažžuba bálkká goabbáge barggustis. Dasgo mii leat Ipmila bargoguoimmit, ja dii lehpet Ipmila bealdu, Ipmila viessu.

Matt 6: 26, 34

Jesus cealká:

”Gehččet almmi lottiid! Eai dat gilvve eaige láddje eaige čohkke láduide, muhto din almmálaš Áhčči biebma daid. Ehpetgo dii leat ollu mávssolaččabut go dat? Allet nappo moraš ihtáš beaivvi dihtii; gal

ihtáš beaivi buktá morrašiiddis. Juohke beaivvis leat doarvái iežas váivvit.”

Matt 13: 3–8

Jesus celkkii:

”Gilvi vulggii gilvit. Ja gilvvedettiin gahčče muhtun čalmmit geaidnogurrii, ja lottit bohte ja borre daid. Muhtun čalmmit gahčče geadgás eatnamii gos ii lean ollu muolda, ja dat ihte johtilit, dasgo eanan lei asehaš. Muhto go beaivváš badjánii, de dat bulle ja goldne go dain ii lean ruohtas. Muhtun čalmmit gahčče bastilislánjáid gaskii, ja bastilislánját šadde ja hávkadedje daid. Muhto muhtun čalmmit gahčče šattolaš eatnamii ja šaddadedje šattuid: muhtumat šaddadedje čuodigeardásaččat, muhtumat guhttalotgeardásaččat ja muhtumat golbmalotgeardásaččat.

Mark. 4: 26–29

Jesus celkkii:

”Ná lea Ipmila riikkain: Olmmái gilvá gilvagiid eatnamii. Son oaddá ja lihkká, šaddá idja ja šaddá beaivi, ja gilvagat ihtet ja šaddet iige son diede mo nu geavvá. Ieš alldes eanan šaddada šattuid: vuos rásiid, de gordneoivviid ja loahpas láddan gortniid oivviide. Go gortnit leat láddan, de son bohtá dallánaga sirppiin, dasgo láddjenáigi lea bohtán.”

## 5. Vástádus

---

Vástádussan sáhtá leat sálbma, biibbalsálbma, lávlla, čuojanasmusihkka dahje jaskes mediteren.

Mánnga deavstta logadettiin biibballohkan sáhtá vurohallat vástádusain.

## 6. Sárdni

---

## 7. Sálbma

---

Ovdal buressivdnidanrohkosa sáhtá lávlut sálmma. Sálmma sajis sáhtá leat eará musihkka.

## 8. Rohkosoassi

---

### Vuorrorohkos

Vuorrorohkosa sáhtta lohkat dahje lávlut.

**B/O** Leage rámiduvvon don, Hearrá, Ipmileamet!

**S** Du lea buot, mii lea almmis ja eatnan alde.

**B/O** Hearrá namma lehkos máidnojuvvon dálážis gitta agálaš áigái!

**S** Lehkos Hearrá namma máidnojuvvon.

### Buressivdnidanrohkos

Ovdal rohkosa sáhtta lávlut sálmma, man áigge sáhtta gilvit siepmaniid beldui.

Sáhtta atnit maidái iešráhkaduvvon rohkosa. Oassálastit sáhttet ovtas ráhkadit ja ollašuhttit rohkosa.

[**B/O** Ipmil lea addán olbmuide bargun gilvit ja várjalit luondduriikka. Buressivdnidehkos golbmaoktalaš Ipmil, Áhčči ja (+) Bárdni ja Bassi Vuoigna, min gilvinbarggu ja jagi šattu.]

**B/O** Rohkadallot.

Ipmileamet ja Sivdnideaddjámet. Du veagas lea olbmuid, ealliid ja oppa luondduriikka eallin. Don leat gohččon min bargoguoibminat. Mii bivdit viisodaga ja čehppodaga dán doibmii.

Mii giitit ovddit sohka buolvvain, geaid doaimma mii oažžut joatkit. Veahket min dikšut bargguideamet nu, ahte maidái boahti sohka buolvvat sáhttet gilvit ja láddjet seamma gittiin, main miige bargat ládjobargguideamet.

Dutnje mii geahččat rohkadaladettiin buressivdnádusa odđa gilvinbadjái. Atte eatnama šattuide buriid dálkkiid. Mii rohkadallat dearvvasvuoda ja várjalusa várain.

Ipmileamet ja Áhččámet. Atte midjiide roahkkatvuoda geahččat ovddos ja gievrut min rávásmiit olmmožin almmá vuovdnáivuoda ja goavisvuoda. Atte midjiide roahkkatvuoda čuovvut oamedovddu

jiena callima buot doaimmain. Veahket min guoddit min oasi olmmošgotti noadis, nu ahte mii leat gárvásat juohkit láibámet ja buresbirgejupmámet earáiguin.

Dutnje, Ipmileamet ja Áhččámet, lehkos giittus ja rámadus buot sohka buolvvaid bokte, dál, álo ja agálaččat.

**S** Ámen.

## Áhččámet

Herrá rohkos celkojuvvo ovttá jitnii.

**S** Áhččámet, don guhte leat almmis.  
Basuhuvvos du namma.  
Bohtos du riika.  
Šaddos du dáhttu,  
mo almmis nu maddái eatnama alde.  
Atte midjiide odne min beaivválaš láibbi.  
Ja atte midjiide min sudduid ándagassii,  
nugo miige ándagassii addit velggolaččaidasamet.  
Alege doalvvo min geahččalussii,  
muhto beastte min bahás eret.  
Dasgo du lea riika ja fápmu ja gudni agálašvuhtii.  
Ámen.

## 9. Giittossálbma

---

Sáhtá atnit ovdamearkka dihte sálmmaid 442 dahje 443.

## 10. Buressivdnáduš

---

**B/O** Buressivdnidehkos min buotveagalaš ja árbmugas Ipmil,  
Áhčči ja (+) Bárdni ja Bassi Vuoigŋa.

**S** Ámen.

## DAHJE

**B/O** Hearrá buressivdnidivččii din ja várjalivččii din.

Hearrá čuvgešii muođuidis didjiide

ja livččii didjiide árbmugas.

Hearrá jorgalivččii muođuidis din beallái

ja attášii didjiide ráfi.

Áhči ja + Bártni ja Bassi Vuoiŋŋa nammi.

**S** Ámen.

## 11. Loahpahanmusihkka

---

Loahpahanmusihkkan sáhtá leat sálbma, lávlla dahje čuojanasmusihkka.